



VISCHNAUNCA DA SCHLUEIN

Reglament per il diever dallas localitads communalas

Approbaus entras la radunonza communal dil 4 da matg 2012

Entrada en vigur: 04-05-2012

Cuntegn reglament per il diever dallas localitads communalas

		Pagina
	Determinaziuns generalas	3
art.	1 Intent e finamira	3
	2 Egualitad dallas schlatteinas	3
	3 Occupaziun	3
	4 Dispetas	3
	5 Damondas	4
	6 Fimar	4
	Diever regular	4
	7 Uras da diever	4
	8 Survigilanza	4
	9 Clavs	4
	10 Calzers	5
	11 Requisits	5
	12 Surprendida e rendida dallas localitads	5
	13 Schubergiar	5
	14 Ustria	6
	15 Uras da diever	6
	Taxas	6
	16 Taxas da diever	6
	Determinaziuns finalas	6
	17 Responsabladad	6
	18 Survetsch d'uorden	7
	19 Disposiziuns penalas	7
	20 Entrada en vigur	7

REGLAMENT PER IL DIEVER DALLAS LOCALITADS COMMUNALAS

Sin fundament d'art. 3 dalla constituziun dalla vischnaunca da Schluein, relai la vischnaunca da Schluein il suadont reglament:

Determinaziuns generalas

art. 1

Intent e finamira La vischnaunca, sco possessura, metta a disposiziun localitads communalas, diversas apparatusas ed inventari sco era piazzas da giug e sport per diever cultural, sportiv ed auter.

art. 2

Egualitad dallas schlatteinas Las indicaziuns davart las persunas en quei reglament serefereschon ad omisduas schlatteinas, aschilunsch ch'ei resulta buc enzatgei auter ord il senn dil reglament.

art. 3

Occupaziun ¹ Il gerau dil scolaesser ei responsabels per l'occupaziun dallas localitads en casa da scola e per il local da tiradurs. La canzlia ei responsabla per la localitad (stanza da radunonzas) en casa communal.

² Tuttas localitads en casa da scola sco era il plaz el liber surveschan en emprema lingia al diever da scola dalla vischnaunca.

³ Tier l'occupaziun dallas localitads communalas han uniuns, societads, gruppaziuns, arranschaders ed organisaturs sesents en vischnaunca la preferenza.

⁴ Occasiuns d'interess superiur, sco radunonzas da vischnaunca, exposiziuns, concerts e specialas activitads dalla scola, han prioritad. Tgi ch'ei gia s'inscrets el plan d'occupaziun vegn orientaus ad uras.

art. 4

Dispetas En cass da dispeta decida la suprastanza communal definitivamein.

art. 5

- Damondas
- ¹ Per il diever regular (jamnil) dallas localitads sto la damonda vegnir tschentada cul formular uffical entochen la fin da zercladur alla canzlia communal cun indicar il di dall'jamna ed il temps che la localitad vegn giavischada d'utilisar.
- ² Per l'utilisaziun dallas localitads per occurrenzas da divertiment, exposiziuns, cuors ed ulteriurs arranschaments (diever singular) sto la damonda vegnir inoltrada alla canzlia communal cun il formular uffical aschi baul sco pusseivel, sil pli tard denton treis jamnas avon l'occurrenza.
- ³ Per diever nunspitgau e buca planisau san ils responsabels decider excepziunalmein.
- ⁴ Il formular uffical sa vegnir retratgs dalla canzlia ni silla pagina d'internet.

art. 6

- Fimar
- Igl ei strictamein scumandau da fimar en tuttas localitads da vischnaunca.

Diever regular

art. 7

- Uras da diever
- Ils utilisaders san far diever dallas localitads generalmein entochen sil pli tard allas 22.15 uras. Duront il temps da vacanzas da stad restan las localitads da scola serradas cun excepziun dalla fiasta d'emprem d'uost.

art. 8

- Survigilanza
- ¹ La casa da scola ed il local da tiradurs vegnan surveglai dil pedel. El controllescha periodicamein las localitads suenter il diever ed annunzia eventualas constataziuns al gerau responsabel.
- ² Arver e serrar las finiastras e las localitads, stizzar las cazzolas ei exclusivamein l'obligaziun dils utilisaders.

art. 9

- Clavs
- ¹ La canzlia surdat per il diever regular als responsabels (ina persuna responsabla ei da nominar) ina clav per las localitads

lubidas e meina era la controlla. Da quella clav astga denton vegnir fatg diever mo duront il temps lubiu al petent (uniun, societad, gruppaziun ni persuna privata).

Per mintga clav - per regla mo ina clav per petent - vegn incassau in deposit da frs. 50.00. La canzlia ei responsabla per la correcta controlla dalla summa da deposit.

² Il pedel surdat per il diever singular als responsabels (ina persuna responsabla ei da nomiar) ina clav per las localitads lubidas.

art. 10

Calzers

¹ En halla astga vegnir purtau duront exerchezis da gymnastica e da sport sulettamein calzers da gymnastica che donnegian e tschuffrognan buc il plantschiu (negina sola nera).

² Medemamain astgan calzers che vegnan purtai el liber buca vegnir duvrai ella halla.

³ Auter che per il diever da gymnastica e sport, sera finala dalla scola, radunonzas, exerchezis da cant e musica vegn il plantschiu dalla halla adina curclaus cun ina cuvrida speciala. Davart excepziuns sa il pedel decider.

art. 11

Requisits

¹ Requisits movibels, sco mattas, lattas da siglir, baras, bucs, cavals etc., astgan buca vegnir runai entuorn. Pil transport da quels requisits ei da duvrar ils indrezs e mieds ch'ei avon maun.

² Requisits da gymnastica astgan buca vegnir duvrai el liber e sin plazzas da giug.

Occurrezas/arranschaments (diever singular)

art. 12

Surprendida e
rendida dallas
localitads

¹ Il pedel surdat agl organisatur dall'occurrenta/digl arranschament (exposiziun, concert, sault, disco etc.) las localitads lubidas.

² A caschun dalla rendida pren il pedel investa ellas localitads duvradas. Eventuals donns vegnan protocollai ed annunziati al

gerau dil scolaresser. Ils cuosts per la reparatura dils donns vegnan adossai cumpleinamein agl organisatur.

art. 13

Schubergiar Tuttas localitads duvradas sco era il mobiliar duvrau ston vegnir schubergiai tenor indicaziun dil pedel. Cumpri ein era las tualettas, l'entrada, il contuorn ed igl access. En cass cuntrari vegnan ils cuosts per schubergiar adossai agl organisatur.

art. 14

Ustria Il menaschi d'ustria vegn menaus digl organisatur sin agen quen e sedrezza tenor la lescha d'ustria dalla vischnaunca da Schluain.

art. 15

Uras da diever Tier occurrenzas dalla sera ei il temps limitaues sin las 03.30 uras. q.v.d. naven dallas 03.30 uras astga ei buca pli vegnir vendiu bubrondas e maglias e buca pli fatg musica. Ils visitaders ston denton buca haver bandunau las localitads.

Taxas

art. 16

Taxas da diever ¹ Pil diever regular dallas localitads communalas per exerchezis d'uniuns ni societads da cant, sport etc. vegn ei pretendiu negina taxa.

² Medemamein gratuita ei l'utilisaziun dallas localitads per occurrenzas cun character social, cultural ni politic (p.ex. referats, radunonzas, sentupada da seniors, s. Messa etc.).

³ Gruppas ni uniuns che fan diever dils requisits da gimnastica dalla scola han da pagar - sper la taxa fundamentala - ina contribuziun annuala. Davart evt. excepziuns sa la suprastonza communal decide.

⁴ Las taxas per il diever dallas localitads communalas vegnan fixadas entras la suprastonza communal.

⁵ La gliesta corrispudenta sa vegnir retratga dalla canzlia.

Determinaziuns finalas

art. 17

- Responsabladad
- ¹ La vischnaunca da Schluein refusescha scadina responsabladad enviars tiarzas personas che fan diever dallas localitads communalas.
- ² L'uniun resp. igl organisatur ei responsabels per tuts donns caschunai entras tiarzas personas. La suprastonza communal sa pretender digl organisatur en connex cun la lubientscha ina segirada da responsabladad, garanzia ni cauziun. Tut tenor arranschament sa la suprastonza communal plinavon pretender in survetsch da segirtad.

art. 18

- Survetsch d'uorden
- Ils organisaturs d'occurrentas ed ils utilisaders dallas localitads ein responsabels per in survetsch d'uorden cunvegnet. Suententer igl exercezi e suenter arranschaments ein tuts indrezs, urdeins, tuttas mobillas etc. da deponer els loghens destinai.

art. 19

- Disposiziun penalas
- Als utilisaders che setegnan buca vid quest reglament, sco era vid las ordinaziuns dalla suprastonza communal, dalla canzlia communal ni dil pedel san ulteriuras lubientschas da diever vegnir renviadas.

art. 20

- Entrada en vigur
- ¹ Il present reglament ei vegnius approbaus dalla radunonza communal dils 4 da matg 2012 ed entra en vigur cun l'approbaziun.
- ² Tuttas prescripziuns dalla vischnaunca da Schluein che corrispundan buc allas disposiziuns da questa ordinaziun vegnan cheutras annulladas.

Il president communal:

Il scarvon communal:

Bruno Wellinger

Augustin Beeli